

說文段注訂補

第三冊

說文解字注疏

三

說文段注訂補第十一

蕭山王紹蘭學

沱江別流也

注曰召南曰江有沱釋水曰水自江出爲沱毛傳曰沱江之別者按今說文衍流字宜刪沱爲江之別如勃澥爲海之別立文正同禹貢某氏注云沱江別名江別名謂江之別出者之名也

補曰江氏解云江水出蜀湔氐徼外嶓山入海召南江汜篇江有沱毛傳云沱江之別者鄭箋云岷山道江東別爲沱爾雅釋水江爲沱李巡云江水溢出爲沱

沱

太平寰宇記卷七十二

釋水又云江有沱李巡云江旁有肥

美之地

詩召南疏

此謂江旁地爲沱與上文江有沱異猶

河有灘爲河旁肥美之地與水自河出爲灘異其義一也

訂曰說水之書禹貢爲最古嶠豕導漾東流爲漢導沅水東流爲沔故許云沱江別流也別下加流於文於義於例竝無妨礙段氏乃謂流爲衍字宜刪引澥爲海別爲比又引僞孔注江別名爲證未免果敢而窒矣辰字解云水之衰流別也流別猶別流知此流字出自許意非衍也

出嶠山東別爲沱

注曰禹貢曰岷山道江東別爲沱按荊州梁州皆有

沱地理志蜀郡郫下曰禹貢江沱在西東入江汶江  
下曰江沱在西南東入江皆謂梁州沱也於南郡枝  
江曰江沱在西東入江謂荊州沱也道江之東別爲  
沱自當謂梁州者鄭注尙書不信地理志所說

訂曰禹貢荊州沱潛旣道鄭注曰爾雅云水自江出  
爲沱今南郡枝江有沱水其尾入江耳首不于江出  
也華容有夏水首出江尾入沔蓋此所謂沱也梁州  
沱潛旣道鄭注曰二水亦謂自江漢出者地理志在  
今蜀郡郫縣汶江皆有沱水其尾入江耳首不于此  
出江源有鄠江首出江南至棧爲武陽又入江豈沱  
之類與

鄭注皆見  
荊州疏

漢書地理志南郡枝江江沱出西

東入江蜀郡郫禹貢江沱在西東入大江汶江江沱  
在西南東入江案爾雅毛傳說文皆以自江出別流  
爲沱其首受江者已與自江出之義微異若尾入江  
則是入非出尤與沱本義相違班志于枝江下郫下  
汶江下凡三言江沱皆不云首受江但云入江故鄭  
皆以爲尾入江不取其說志又于南郡華容下云夏  
水首受江東入沔蜀郡江原下云鄴水首受江南至  
武陽入江皆言首受江而鄭以夏水爲荊州之沱鄴  
水爲梁州之沱則鄭之說沱仍本班志其不取班氏  
明言之江沱而反取此不言江沱者以彼非首受此  
首受也又以首受江者尙非自江而出故于鄴水夏

水皆先以首出江證志言首受江之誤而又審慎其詞一則曰豈沱之類與一則曰蓋所謂沱也言豈言類言與言蓋皆作疑詞以見志言首受江者當是首出或可爲沱其三言江沱旣非首出又非首受者自不得爲沱鄭于經義蓋其慎矣水經及注於江水所經之地或偁某水注之或偁某水入焉其偁鄱水則注云江水又逕江原縣鄱江水出焉而下文於江水過武陽縣又云有鄱江入焉出江原縣首受大江是鄱水雖偁曰出仍是首受大江至夏水則經於江水篇云江水又東至犍容縣西夏水出焉注云江水左池爲中夏水夏水篇云夏水出江津于江陵縣東南

注云江津豫章口東有中夏口是夏水之首江之沱也經云出夷且云出江津明其自江出也注云江水左迤爲中夏水且云中夏口是夏水之首明其自江出而別流并不偁首受江明其首出江也較之鄴水又有不同正與鄭以夏水爲沱不曰豈曰與而曰蓋曰也其詞較鄴水爲切實者可互證而益明段氏不知尋繹鄭悒但云鄭注尙書不信地理志所說殆未合禹貢注漢志水經注三書悉心攷訂而鄭氏注經審慎之意或幾於晦矣

从水它聲

補曰它之言委它也委它猶透迤言沱水出江透迤

別流也禹貢釋文引馬融云沱湖也與許鄭異義水經禹貢山水澤地所在云益州沱水在蜀郡汶江縣西南其一在郫縣西南皆還入江荊州沱水在南郡枝江縣其說與班志同又云三澨地在南郡卽縣北沱注云卽縣北沱然沱流多矣論者疑焉而不能辨其所在今案北沱蓋以枝江之沱爲南沱故以卽縣之沱爲北沱與

沱水出蜀汶江徼外東南入江

注改澨篆爲洩云前志蜀郡青衣下云大渡水東南至南安入澨汶江下云洩水出徼外南至南安東入江過郡三行三千四十里水經曰大江又東南過犍

爲武陽縣青衣水沫水從西南來合而注之又曰青衣水出青衣縣西蒙山東與沫水合至犍爲南安縣入江沫水出廣柔徼外東南過旄牛縣北又東至越巂靈道縣出蒙山南東北與青衣水合東入於江注曰江水又東南徑南安縣西縣治青衣水會衿帶二水矣縣南有峨眉山有濛水卽大渡水也水發蒙谿東南與濛水合濛水出徼外徑汶江道南至南安入大渡水大渡水又東入江按經曰武陽注曰南安二縣壤接犍爲南安者今四川嘉定府治附郭縣曰樂山是也蜀郡汶江縣者今四川茂州治是其地凡言徼外者皆謂去其郡縣境不甚遠如廣漢剛氏道徼

外蜀湔氐徼外皆是徼者張揖曰塞也以木柵水爲蠻夷畛也漢志青衣縣下有大渡水而無青衣水蓋今之青衣水班所謂大渡水也今之大渡河班所謂濊水也凡水以互受而名亂舉如是矣且地理志不言沫水但言大渡水入濊水至南安入江水經華陽國志張揖注漢書皆曰沫水與青衣水合入江然則諸家云沫水與青衣水合者卽班志之大渡水與濊水合也以今水道言今之青衣江出雅州府蘆山縣東伏牛山西麓東南流經榮經縣東雅州府城北名山縣南洪雅縣南夾江縣西至嘉定府西境與陽江合者諸家之青衣水班志之大渡水也今之大渡

河出小金川司大金川司至上下魚通合打箭鑪瀘  
河經曬經關合越嶲河經峩眉縣西南大嶴山前又  
經三嶴山麓至嘉定府西南境青衣江自西北來會  
者諸家所云沫水班固所云濊水也大渡河自北而  
西而西南而東而東北曲行千五百里班云過郡三  
者蜀郡越嶲犍爲也云行三千四十里三千或是二  
千之誤凡唐宋史云大渡河者皆謂地里志之濊水  
卽司馬相如傳之沫水任氏字林攷逸引吳白華先  
生曰濊水出蜀汶江徼外从  
水我聲卽今魚通水發源章谷逕孔玉又逕魚通合  
打箭鑪水至瀘定橋曰瀘河至青谿化林營曰大渡  
河至洪雅縣曰銅河濊水卽沫  
水說文濊沫並見未爲得實

訂曰濊漢書地理志作濊

漢志之濊譌字也當  
依說文作濊說見下蜀郡

青衣下云禹貢蒙山谿

谿上當有闕文據水經江水注蒙谿證之疑是蒙字蓋孟

堅引禹貢蒙山二字蒙谿以下皆志文也

大渡水東南至南安入泔水經

江水注云南安縣治青衣江會縣南有峨眉山有濛水卽大渡水也水發蒙谿東南與泔水合泔水卽泔水班志言大渡水入泔酈注言大渡水與泔水合則大渡水非泔水矣又蜀郡汶江下云泔水出徼外南至南安東入江水經沫水出廣柔徼外東南過旄牛縣北又東至越嶲靈道縣出蒙山南東北與青衣水合東入於江班志言泔水出汶江徼外水經言沫水出廣柔徼外是其水源所出不同而水經於沫水歷敘其過旄牛至靈道出蒙山獨不言其過汶江酈注

亦歷敘沫水出岷山過漢嘉郡逕蒙山逕開刊縣逕  
臨邛出江原縣亦不言其逕汶江而江水注敘泝水  
則云逕汶江道與班許合是其經流亦異則泝水非  
沫水矣是以許於泝下云水出蜀汶江徼外東南入  
江沫下云水出蜀西南徼外東南入江水經沫水別  
自爲篇道元不於沫水注言泝而敘泝水於江水是  
酈亭亦不以沫爲泝然則許書泝沫竝見未可云未  
爲得實段氏言唐宋史云大渡河者皆謂地理志之  
泝水卽司馬相如傳之沫水此漢以後之水道不足  
以證班許時舊蹟而段且於沫下謂許有未審也詳  
見沫下

从水我聲

注改我爲戔云各本篆作𣶒解作我聲音五何切字之誤也今更正按作𣶒則與漢志不合遂有欲改志作𣶒者攷漢志師古注曰𣶒音哉蓋沿音義舊文玉篇涪潼𣶒江沱湔淅沫溫灋滇淹沮涂沅共十五字連屬皆嶠江之類與說文正合而𣶒字則廁於部末孫強陳彭年襍收字中此與木部梔字可正梔字之誤正同水經注云呂忱曰𣶒水出蜀許慎以爲𣶒水也從水戔聲分別許呂古今異體俗改𣶒爲𣶒非是廣韻十六哈𣶒水名出蜀此用字林集韻十六哈類篇水部皆云𣶒或作𣶒此許字之佚見於古籍者

訂曰漢志蜀郡汶江下云濊水出徼外南至南安入

江青衣下云禹貢蒙山谿大渡水東南至南安入濊

谿上蓋有蒙字說見上水經江水注云江水又東南逕南安縣

縣治青衣縣南有峨眉山有蒙水卽大渡水也水發

蒙谿東南流與濊水合

濊水趙本作濊水今從戴本

從水我聲趙

氏釋曰漢志作濊濊乃濊之誤卽禹貢之和夷也和

濊同音

胡氏拙明說同

道元故引說文以證之此謂當從說

文作濊也任氏字林攷逸引白華先生曰濊水以其

逕峨眉山西南故曰濊水水經注引字林并引說文

從水我聲而漢地理志曰濊水出蜀郡汶江縣徼外

以濊爲濊宜集韻以洩附濊也幸酈氏所見說文亦

作潑不作濺潑之譌濺更爲易曉是可證呂忱承襲  
漢志譌文之謬此亦謂當從說文作潑也錢氏漢書  
攷異曰案說文潑水出汶江徼外東南入江从水我  
聲別無濺字水經注潑水出徼外逕汶江道南至南  
安入大渡水大渡水又東入江亦从我不从哉志作  
濺者傳寫之譌然廣韵十六哈部有濺字注云水名  
出蜀則沿譌實始於唐矣此亦謂當從說文作潑也  
惟段氏注說文改篆文潑作洩改我聲作戔聲 紹  
蘭案潑水以逕峨眉山得名吳先生之說片言已解  
趙氏謂潑卽禹貢之和夷今攷桓水注云禹貢和夷  
底績鄭玄曰和上夷所居之地也和讀若桓地理志